

Na osnovu člana 61. stav (2) Zakona o upravi Bosne i Hercegovine („Službeni glasnik BiH“, br. 32/02 i 102/09), a u vezi sa članom 3a. Zakona o finansiranju institucija Bosne i Hercegovine („Službeni glasnik BiH“, br. 61/04, 49/09, 42/12, 87/12 i 32/13) i tačkom II Odluke o prestanku važenja Odluke o uspostavljanju registra korisnika Budžeta institucija Bosne i Hercegovine i međunarodnih obaveza Bosne i Hercegovine („Službeni glasnik BiH“, broj 47/13), Ministarstvo finansija i trezora Bosne i Hercegovine, d o n o s i

UPUTSTVO
O SADRŽAJU I NAČINU VOĐENJA REGISTRA KORISNIKA
BUDŽETA INSTITUCIJA BOSNE I HERCEGOVINE

I - OPĆE ODREDBE

Član 1.

(Predmet Uputstva)

Ovim Uputstvom se uređuje sadržaj i način vođenja Registra korisnika Budžeta institucija Bosne i Hercegovine (u daljem tekstu: Registar korisnika Budžeta), te postupak za ažuriranje Registra korisnika Budžeta.

Član 2.

(Nadležnost za uspostavu i ažuriranje podataka)

- (1) Ministarstvo finansija i trezora Bosne i Hercegovine (u daljem tekstu: Ministarstvo finansija i trezora) uspostavlja elektronski registar, otvara dosije za svakog korisnika Budžeta i vrši ažuriranje podataka iz Registra korisnika Budžeta.
- (2) Korisnici Budžeta svaku promjenu podataka iz Registra korisnika Budžeta dostavljaju Ministarstvu finansija i trezora u roku od 30 dana od dana promjene podataka.

II - SADRŽAJ I NAČIN VOĐENJA REGISTRA KORISNIKA BUDŽETA

Član 3.

(Osnovni podaci o korisniku Budžeta)

- (1) Registar korisnika Budžeta sadrži osnovne podatke o korisniku Budžeta popunjene na [Obrascu O1](#) koji čini sastavni dio ovog Uputstva.
- (2) Obrazac O1 iz stava (1) ovog člana sadržava sljedeće podatke:
 - a) Redni broj korisnika Budžeta;
 - b) Puni naziv korisnika Budžeta;
 - c) Naziv, broj i datum osnivačkog akta korisnika Budžeta;
 - d) Datum upisa u Registar korisnika Budžeta;
 - e) Sjedište, adresa i poštanski broj korisnika Budžeta;
 - f) Jedinstveni identifikacioni broj pod kojim se korisnik Budžeta vodi u Jedinstvenom registru poslovnih subjekata (u skladu sa Rješenjem izdatim od strane nadležnog organa);
 - g) Šifra podrazreda djelatnosti korisnika Budžeta (u skladu sa Rješenjem nadležnog statističkog zavoda);
 - h) Broj dopunskog računa Ministarstva finansija i trezora za koji je ovlašten korisnik Budžeta institucija Bosne i Hercegovine i međunarodnih obaveza Bosne i Hercegovine u skladu sa članom 25. Zakona o finansiranju institucija Bosne i Hercegovine;
 - i) Oznaka WEB stranica korisnika Budžeta;
 - j) Telefonski broj i kontakt osoba za dostavljanje podataka korisnika Budžeta;
 - k) Rukovodilac budžetskog korisnika;

- l) Službenik za finansije u skladu sa odredbama Zakona o finansiranju institucija Bosne i Hercegovine (ime i prezime, radno mjesto, kontakt podaci);
lj) Datum brisanja iz Registra korisnika Budžeta.

Član 4.

(Izmjena osnovnih podataka o korisniku Budžeta)

- (1) Izmjena osnovnih podataka iz člana 3. stav (2) ovog Uputstva vrši se na [obrascu O2](#) koji je sastavni dio ovog Uputstva, a koji sadrži:
- a) redni broj podatka,
 - b) podatak koji se mijenja,
 - c) datum promjene podatka.

Član 5.

(Pripadajuća dokumentacija)

- (1) Korisnici Budžeta uz podatke iz čl. 3. i 4. ovog Uputstva dužni su dostaviti fotokopije akata i isprava za podatke iz tač. c), f), g), h), k), l) i lj)
- (2) Fotokopije akata i isprava ulažu se u dosije korisnika Budžeta.

III – PRELAZNE I ZAVRŠNE ODREDBE

Član 6.

(Obaveza ažuriranja podataka)

Korisnici Budžeta su dužni u roku 30 dana od stupanja na snagu ovog Uputstva izvršiti ažuriranje podataka o korisniku Budžeta i iste dostaviti Ministarstvu finansija i trezora na Obrascu O1.

Član 7.

(Stupanje na snagu i obaveza objavljivanja Uputstva)

- (1) Stupanjem na snagu ovog Uputstva, prestaje da važi Uputstvo o sadržaju i načinu vođenja registra korisnika Budžeta institucija Bosne i Hercegovine („Službeni glasnik BiH“, broj 28/01).
- (2) Ovo Uputstvo se objavljuje u “Službenom glasniku BiH“ i web stranici Ministarstva finansija i trezora, a stupa na snagu danom objavljivanja u “Službenom glasniku BiH“.

Broj: 05-02-1-5438-1/13
Sarajevo, 04.06.2013. godine

MINISTAR
Dr Nikola Špirić, s.r.